



Villreinnemnda for Nordfjella, Fjellheimen og Raudafjell

Vår dato:

06.02.2026

Vår ref:

2026/1774

Dykkar dato:

Dykkar ref:

2025/7802

HOL KOMMUNE
Ålmannvegen 8
3576 HOL

Saksbehandlar, innvalstelefon

Hermund Mjelstad, 5764 3124

Til uttale - dispensasjon - gbnr. 55/449 - Vesleustavegen 28 - tilbygg til fritidsbustad - Hol kommune

Vi viser til oversending frå Hol kommune 22.01.2026.

Bakgrunn

Det er søkt om dispensasjon frå plankrav for tilbygg på fritidsbustad i Vesleustavegen 28 på Ustaoset. Fritidsbustaden er i dag på 61 m², omsøkt tilbygg er på 67 m². Avstand til randsona for villrein i regional plan for Nordfjella er om lag 250 meter. Overnattingskapasiteten som i dag er på 9 sengeplassar blir ikkje auka. Tomta ligg i nedre del av området, om lag 150 meter nord for RV 7. Det er om lag 215 meter til grensa for villreinområdet i Nordfjella.

Villreinnemnda er ei statleg nemnd som har som ei hovudoppgåve å sjå til at villreinområda våre ikkje blir forringa, og ikkje gjev dårlegare levevilkår for villreinen gjennom året. Dette gjeld for alle villreinområda, men fokuset skal vere ekstra sterkt i dei oppretta nasjonale villreinområda.

Vurdering

Generelt er villreinnemnda kritisk til bygging av nye fritidsbustader, og anna aktivitet, som ligg inn mot leveområdet til villreinen i Nordfjella. I denne saka ligg tiltaket i nedre del av området med fritidsbustader og nært RV 7. Den naturlege retninga for mykje av ferdsla frå hyttefelta vil gå inn i beiteområda og leveområda for villrein, og kan føre til at områda går ut av bruk. Det er denne totale auken i aktivitet og ferdsle som er negativ. Bit-for-bit nedbygginga av naturen er eit av dei største trugsmåla for å kunne ta vare på villreinens leveområde for framtida og som villreinnemnda er uroa for.

Kunnskapen om villrein og prioriteringane for å ta vare på villreinen, og leveområda til villreinen, har fått auka merksemd dei siste par åra. Vi kan nemne kvalitetsnorma for villrein der Nordfjella villreinområde ble klassifisert med raud status, dvs. dårleg kvalitet. Det er i norma vurdert at

E-postadresse:
sfvpost@statsforvalteren.no
Sikker melding:
www.statsforvalteren.no/melding

Postadresse:
Njøsavegen 2
6863 Leikanger

Villreinnemnda leiar:
Trygve Skjerdal, Skjerdalsvegen
114, 5745 Aurland
Tlf. 97526883
E-post:
trygve.skjerdal@privat.alb.no

Sakshandsamar:
Hermund Mjelstad
Tlf. 57643124
fmsfhm@statsforvalteren.no



arealbruken til reinen på sørsida av Hallingskarvet i vesentleg grad er påverka av ferdsle. Reinen har her ei arealunnaviking på over 90%, både på sommar- og vinterbeite.

Stortingsmeldinga om villrein ble lagt fram i 2024, og det er utarbeidd tiltaksplanar som har som mål å betre situasjonen for villreinen. To av tiltaka for å nå måla er relatert til hyttebygging: arealforvaltning og ferdsle. For å nå målet om å betre tilstanden til villreinen i Nordfjella, må ferdsla inn i området avgrensast.

Tiltaket det er søkt om her er utviding fritidsbustaden på 67 m² og er om lag ei dobling av storleiken i dag. Det inneber ikkje auke i tal sengeplassar frå dagens situasjon. Den totale aktiviteten og ferdsla vil derfor truleg ikkje auke med tilbygget, men oppgraderinga av fritidsbustaden kan sjølvstøtt føre til auka bruk av fritidsbustaden. Tiltaket ligg i nedre del av området, og vi meiner det omsøkte tiltaket, under noko tvil, ikkje vil ha spesielle negative effektar på villreinen i Nordfjella. Det er sjølvstøtt uheldig uansett med den totale aktiviteten i hyttefeltet i Hol kommune som inneber mykje anleggsarbeid, motorferdsle og anna som følgjer med. Det er vanskeleg å vurdere i kva grad slike utvidingar og moderniseringar har av innverknad på villreinens bruk av beiteområda mellom skarvet og hyttefeltet.

Alle tiltak som kan ha ei verknad på villreinens habitatbruk og overleving må vurderast basert på tilgjengeleg kunnskap for områda. Dette gjeld òg i enkeltsaker, der ein må sjå på den samla belastninga tiltaket vil kunne medføre på villreinstamma. Det er i fleire andre «villreinkommunar» i Sør-Noreg mange slike saker, som kvar for seg er uproblematisk, men som i sum likevel fører til ein bit-for-bit utbygging som er klårt uheldig, dersom vi skal ha håp om å ta vare på villreinens leveområde for framtida. Vi viser og til våre uttaler i liknande saker i Hol kommune i 2024 og 2025.

Konklusjon

Villreinnemnda har ikkje avgjerande merknadar til det omsøkte tiltaket. Vi ventar elles at kommunen vurderer nøye dei mange søknadane i kommunen om nybygging, tilbygg, uthus osv. i område som ligg nært inn til villreinens leveområde i Nordfjella. Det er summen av alle tiltaka og den samla belastninga som kan føre til at område som villreinen har nytta, og kan nytte i framtida, kan komme til å gå ut av bruk. Vi ber derfor kommunen om å vere varsam med å gje dispensasjonar til slike tiltak som kan kome i konflikt med nasjonale naturverdiar som t.d. Nordfjella villreinområde.

Med helsing

Trygve Skjerdal
leiar

Hermund Mjelstad
sekretær

Dokumentet er elektronisk godkjent

Kopi til:

Statsforvalteren i Østfold, Buskerud, Oslo og Akershus
Buskerud fylkeskommune

Postboks 325 1502 MOSS